

BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
Komisija o pitanjima finansija i budžeta
Broj: o1/5-93/99.
Datum: 15.07.1999.g.

Z A P I S N I K
sa 4. sjednice Komisije o pitanjima finansija i budžeta,
održane 15.07.1999.godine

Sjednici Komisije prisustvovali su: Nikola Špirić, Vito Rakić, Pero Skopljak, Mustafa Pamuk Suada Muminagić i Ivo Divković.

Odsustvovali su: Edhem Bičakčić, Nedžad Branković, Milenka Bošnjak i Neven Tomić.

Za sjednicu je usvojen sljedeći

D N E V N I R E D

1. Usvajanje Zapisnik 3. sjednice Komisije o pitanjima finansija i budžeta,
2. Razmatranje Prijedloga zaključaka o djelokrugu radnih komisija, rokovima i prisustvu predlagača,
3. Razmatranje sporazuma o razvojnim kreditima (sedam sporazuma),
4. Razmatranje Prijedloga zakona o administrativnim taksama i
5. R a z n o .

Ad - 1

**Zapisnik sa 3. sjednice Komisije o pitanjima finansija
i budžeta**

Nikola Špirić je iznio primjedbu da nije zaključeno onako kako je navedeno u Zapisniku, u stavu četvrtom na 2. strani. Predložio je da se taj pasus izostavi.

U diskusiji su učestvovali svi prisutni članovi Komisije.

Poslije diskusije stavljen je na glasanje prijedlog da se briše stav 4. na 2. strani Zapisnika.

Za prijedlog su glasala 2 člana Komisije, 2 su glasala protiv, a jedan je bio uzdržan. Prijedlog nije usvojen.

Potom je dat na glasanje Zapisnik sa 3. sjednice Komisije, koji takođe nije usvojen. Za Zapisnik su glasala dva člana Komisije, dok su se tri član uzdržala.

Ad - 2

Razmatranje Prijedloga zaključaka o djelokrugu radnih komisija, rokovima i prisustvu predlagača,

U diskusiji povodom Prijedloga zaključaka o djelokrugu radnih komisija, rokovima i prisustvu predlagača, učestvovali su Suada Muminagić, Mustafa Pamuk, Vito Rakić i Nikola Špirić.

Nakon diskusije usvojeni su sljedeći prijedlozi:

- a) U opisu o djelokrugu rada Komisije o pitanjima finansija i budžeta predložene su sljedeće izmjene:
- u 2. redu, iza riječi “institucijama” da se dodaju riječi: “kreditne sporazume sa međunarodnim i drugim finansijskim institucijama, ostvarivanje...”;
 - u 3. redu, iza riječi “finansiranje institucija BiH”, dodati riječi: “i izvori finansiranja”, a brisati riječi: “oporezivanjem, zaduživanjem ili drugim sredstvima”;
 - u posljednjem redu prvog pasusa brisati riječi: “mjere i standarde”.
- a) Na tačku III Prijedloga odluke Komisija je utvrdila sljedeće prijedloge:
- da se u podtački 3. iza riječi “Bosne i Hercegovine” dodaju riječi “i druge predlagače”;
 - da se u podtački 4. iza riječi “Bosne i Hercegovine” takođe dodaju riječi “i drugi predlagači”, a umjesto riječi “ima” upiše riječ “imaju”.

a) Na tačku IV Prijedloga odluke Komisija je utvrdila prijedlog da se na kraju prvog pasusa stavi zapeta i dodaju riječi: “kao i u toku sjednice kad se u raspravi dođe do prihvatljivih rješenja u prijedlozima propisa”.

Ad - 3

Razmatranje sporazuma o razvojnim kreditima:

Komisija je razmatrala sljedeće sporazume:

- a) Sporazum o razvojnom kreditu za projekat osnovne zdravstvene zaštite između BiH i Međunarodne asocijacije za razvoj,
- b) Sporazum o razvojnom kreditu za Pilot-projekat lokalnog razvoja između BiH i Međunarodne asocijacije za razvoj,
- c) Sporazum o razvojnom kreditu za prilagođavanje u privatizaciji preduzeća i banaka između BiH i Međunarodne asocijacije za razvoj,
- d) Sporazum o razvojnom kreditu za strukturalno usklađivanje javnih finansija između BiH i Međunarodne asocijacije za razvoj,
- e) Sporazum o razvojnom kreditu za projekat podsticanja izvoza preduzeća između BiH i Međunarodne asocijacije za razvoj,
- f) Sporazum o razvojnom kreditu za Pilot-projekat kulturnog nasljeđa i
- g) Sporazum između Švicarskog federalnog vijeća i Vijeća ministara BiH, koji se odnosi na redovni vazdušni saobraćaj.

U diskusiji su učestvovali: Ivo Divković, Nikola Špirić, Suada Muminagić i Pero Skopljak.

Poslije diskusije Komisija je zauzela stav da Predstavničkom domu predloži da da saglasnost za ratifikaciju svih naprijed navedenih sporazuma, uz usvajanje sljedećih zaključaka:

1. da Savjet ministara redovno prati ispunjavanje svih uslova o realizaciji i bezbjedivanju neophodnih materijalnih pretpostavki za pravovremenu realizaciju sporazuma i o tome najmanje dva puta godišnje informiše Parlamentarnu skupštinu.
2. da Savjet ministara dostavi Predstavničkom domu informaciju o ukupnom zaduženju Bosne i Hercegovine.

Ad - 4

Razmatranje Prijedloga zakona o administrativnim taksama

Komisija je ponovo razmatrala Prijedlog zakona o administrativnim taksama iz razloga što nije podržan stav Komisije u vezi sa ovim zakonom iznesen u zapisniku sa aprethodne sjednice Komisije, kada je razmatrala Prijedlog zakona.

U diskusiji su učestvovali Nikola Špirić i Suada Muminagić.

Poslije diskusije Komisija je većinom glasova zaključila da Prijedlog zakona o administrativnim taksama može da ide u skupštinsku proceduru, s tim što je poslanik Špirić ostao pri svom amandmanu i zahtjevu da se Dom o njemu izjasni, kao i o drugim amandmanima podnesenim na Prijedlog zakona.

Ad - 5

R a z n o

Pod tačkom "R a z n o" nije bilo pitanja.

PREDSJEDAVAJUĆI
Nikola Špirić,s.r.